



Broj: 10/1-34-6391/21
Tuzla, 26.3.2021. godine

Ministarstvo obrazovanja i nauke Tuzlanskog kantona, na osnovu člana 43. stav (3) Zakona o srednjem obrazovanju i odgoju – prečišćeni tekst („Službene novine Tuzlanskog kantona“, broj: 10/20 i 11/20), a u skladu sa Zaključkom Vlade Tuzlanskog kantona o usvajanju Naredbe utvrđene na sjednici Kriznog štaba Ministarstva zdravstva Tuzlanskog kantona održanoj dana 26.3.2021. godine, broj: 02/1-04-10486/21 od 26.3.2021. godine, donosi

ODLUKU
o organizaciji nastave srednjih škola u školskoj 2020/2021.godini

I

Nastava u srednjim školama na području Tuzlanskog kantona u školskoj 2020/2021. godini, s ciljem ostvarivanja godišnjeg fonda nastavnih časova i realizovanja sadržaja predviđenih Nastavnim planom i programom, organizovat će se online putem (online nastava), počev od 29.3.2021. godine do 9.4.2021.godine.

II

Način organizacije nastave iz tačke I ove odluke bliže će se urediti instrukcijom.

III

Ova odluka stupa na snagu danom donošenja, a primjenjivat će se u periodu od 29.3.2021. godine do 9.4.2021.godine. U periodu primjene ove odluke neće se primjenjivati Odluka o organizaciji nastave u srednjim školama u školskoj 2020/2021.godini broj: 10/1-34-016720/20 od 26.8.2020.godine i broj: 10/1-34-834-1/21 od 21.1.2021. godine.

DOSTAVLJENO:

1 x Školama
1 x Evidenciji
1 x Arhivi
ET/ET



MINISTAR

Elvis Baraković
Dr.sc. Elvis Baraković



Broj: 10/1-34-6391-1/21
Tuzla, 26.3.2021. godine

SREDNJIM ŠKOLAMA TUZLANSKOG KANTONA

PREDMET: Instrukcija, dostavlja se

U skladu sa tačkom II Odluke o organizaciji nastave srednjih škola u školskoj 2020/2021. godini broj:10/1-34-6391/21 od 26.3.2021.godine, Ministarstvo obrazovanja i nauke Tuzlanskog kantona daje sljedeće instrukcije:

1. Online nastava u redovnim srednjim školama čiji je osnivač Tuzlanski kanton realizirat će se putem Moodle platforme.
Online nastava u srednjoj umjetničkoj školi i srednjim školama čiji osnivač nije Tuzlanski kanton, može se realizirati koristeći se drugim elektronskim programima i alatima.
2. Tokom trajanja online nastave realizirat će se nastavni sadržaji planirani nastavnim planovima i programima. U srednjim stručnim i tehničkim školama online nastava će se u potpunosti realizirati za općeobrazovne nastavne predmete, stručno-teorijske nastavne predmete i nastavne predmete u funkciji struke. Praktična nastava će se realizirati online putem u mjeri u kojoj je to moguće.
3. Tokom trajanja online nastave primjenjivati će se redovni raspored časova. U dane vikenda i u praznične dane online nastava se ne može organizirati. Link video sadržaja postavljen na Moodle platformi nastavnik je dužan proslijediti učenicima putem školske platforme neposredno prije početka časa, a ukoliko tehnički uslovi to ne dozvoljavaju tokom nastavnog dana. Ukoliko za pojedine nastavne sadržaje nema video materijala i ne mogu se u potpunosti primijeniti, nastavnik će putem školske platforme pripremiti odgovarajući materijal u skladu sa nastavnim planom i programom kojeg primjenjuje.
4. Nastavnici su dužni pratiti prisustvo, praćenje i aktivnosti učenika tokom održavanja online nastave. Tokom trajanja online nastave učenici se ocjenjuju. Ocjena se unosi na Moodle platformu, a ako je online nastava organizirana putem drugih alata i programa, nastavnik u bilježnici evidentira ocjenu i saopštava je učeniku. Ocjene učenika postignute putem online nastave će se prenositi u pedagošku evidenciju.
5. Obim dostavljenih zadataka i testova ne može biti veći u odnosu na obim koji se praktikovao za vrijeme realizacije redovne nastave u školi. Nastavnik će strogo voditi računa o obimnosti davanja domaće zadaće. Opterećenost učenika zadacima i testovima kontinuirano prati pedagog škole i direktor škole, koji su dužni nastavnicima dati odgovarajuće smjernice. Analize i izvještaj o opterećenosti učenika nastavnim gradivom izrađuje pedagog škole i mjesečno dostavlja odjeljenjskom vijeću u elektronskoj formi. Svi stručni saradnici u školi moraju se staviti u funkciju realizacije online nastave i podrške nastavnicima i učenicima.
6. Učeniku koji nema tehničke uslove za praćenje online nastave, nastavni sadržaji će se ponuditi u printanom obliku u cilju pripreme učenika za polaganje razrednih ispita. Printane materijale će preuzimati roditelj/staratelj učenika u školi u terminu koji utvrdi škola.
7. O održanoj online nastavi i online aktivnostima nastavnika u elektronskom obliku podnosi kratak sedmični izvještaj direktoru škole.

DOSTAVLJENO:

1x Naslovu
1x Evidenciji
1x Arhivi
ET/ET



MINISTAR

Dr.sc. Elvis Baraković